

Pigisanik aalaakkaasunik arsaarinnissuteqartarneq pillugu Inatsisartut inatsisaat nr. 25, 30. oktober 1992

§ 1. Inooqatigiit ataatsimut iluaqutissaat siunertaralugu pisariaqartinneqarpat Naalakkersuisut aalajangersinnaavaat suliassaqaqfinni Namminersornerullutik Oqartussanut atasuni pigisanik aalaakkaasunik privatimik pigineqartunik arsaarinninnissaq.

Imm. 2. Arsaarinninnissaq aalajangerneqartinnagu pigisap aalaakkaasup tunniunneqarnissaa tamanut naammaginartumik isumaqatigiissuteqarnikkut anguniarneqassaaq.

Imm. 3. Arsaarinninnermi arsaarinnissutaasumut oqartussaaffiginninnerit tamarmik atorunnaassapput Naalakkersuisut allaasumik aalajangiisimangippata.

§ 2. Taarsiissutissat aalajangerneqassapput ataatsimiititaliamit inunnik nakerisarsiortuunngitsunik sisamanik tallimanilluunniit ilaasortalimmit, taakkunanngalu siulittaasoq ilaasortarlu alla ataaseq Naalakkersuisunit toqqarneqassapput, ilaasortaq ataaseq toqqarneqassalluni najukkami kommunalbestyrelsimit ilaasortallu marluk toqqarneqassallutik arsaarinninniarluni suliame attorneqartunit namminersortunit arlariinnit, pigisaat arsaarinninniutaappat, imaluunniit toqqarneqassalluni ilaasortaq ataaseq, taamatut attorneqartoq ataasiinnaappat.

Imm. 2. Ilaasortat Naalakkersuisunit toqqarneqartut Naalakkersuisunut imaluunniit Inatsisartunut ilaasortaassanngillat imaluunniit atorfeqartuussanngillat Namminersornerullutik Oqartussani imaluunniit ingerlassani 50 pct-imik annerusumilluunniit Namminersornerullutik Oqartussanit pigineqartuni. Aammattaaq siulittaasoq inatsisilerituutut atorf ilissatut soraarummeersimassaaq, ilaasortarlu Naalakkersuisunit toqqagaasup aappaa Kalaallit Nunaanni illuliortarnermik imaluunniit illuliortarnermut tunngasunik paasisimasaqartussaasuussaaq. Ilaasortaq imaluunniit ilaasortat suliame pineqartumik piginnittuusunit namminersortunit toqqarneqartut piginnittuusut arlaannaanniluunniit piginneqataassanngilaq atorfeqartuussananiluunniit.

Imm. 3. Namminersortut piginnittuusut sinniisussaannik toqqaanissamut piffissamik Naalakkersuisut killiliisinnaapput. Piffissamut killiliussaqa taanna eqqortinneqanngippat § 3, imm. 2 aamma 3 naapertorlugit ataatsimiittoqareerneratigut taarsiissutissat Naalakkersuisut aalajangersinnaavaat.

§ 3. Taarsiissutissat aalajangerneqartinnagit ataatsimiititaliap nakkutigissavaa arsaarinninnissamik aalajangiinerup arsaarinninniarnermi siunertarineqartumit annertunerusumik imaqanginnissaa. Ataatsimiititaliap tamatumuuna piumasarisinnaavaa arsaarinninnissamik aalajangiinermi allannngortitilaagassat pisariaqartut Naalakkersuisunit naammassineqarnissaat.

Imm. 2. Tamanna pereerpat ataatsimiititaliap suliassami illuatungeriit misissuinissamut aggersassavai, misissuinermilu tassani illuatungeriit tamarmik oqaaseqarsinnaatitaapput pissutsit isumartik malillugu taarsiivigineqarnissap aalajangerneqarnissaani sunniuteqartariaqarsorisatik nassuiarlugit.

Imm. 3. Ataatsiroiititaliap isumagissavaa misissuinissap qaqugu sumilu pinissaata tamanna sivikinnerpaamik sapaatit akunnerinik sisamanik sioqqullugu nunamut tamarmut aviisit aqcutigalugit tamanut nalunaarutiginnissaa. Nalunaarutikkut tassuuna ilisimatitsissutigineqassaq arsaarinninnissamik aalajangikkap tamanit takuniarneqarsinnaalluni sumiinnera.

Imm. 4. Ataatsimiititaliap ataatsimeeqittarsinnaavoq tamanna pisariaqarsorinarpat.

§ 4. Aalajangigassat, isumaqatigiittoqanngikkaangat, ataatsimiititaliap taasisut amerlanerit isumaat malillugu aalajangertassavai.

§ 5. Arsaarinninnissap imaluunniit taarsiissutissatut aalajangikkat eqqartuussivimmi misissorneqarnissaannik piumasarisaaq Kalaallit Nunaata Eqqartuussiviani sularineqaqqaartussatut suliassanngortinneqassaaq arsaarinninnissaaq pillugu Naalakkersuisut aalajangiinerata imaluunniit taarsiissutissat pillugit ataatsimiititaliap aalajangiinerata pineqartumut anngunneqarnerata kingornagut sapaatit akunneri sisamat qaangiutsinnagit.

Imm. 2. Immikkut ittunik pissutissaqartillugu Nunatta Eqqartuussiviata akuerisinnaavaa eqqartuussivimmi nangitseqqusinerup piffissamut killiliussap imm. 1-imi taaneqartup qaangiutereerneragut pinissaa.

Imm. 3. Eqqartuussivimmi nangitseqqusineq kinguarsaanissamik sunniuteqassanngilaq Nunatta Eqqartuussivia allatut aalajangiinngippat.

§ 6. Aningaasat taarsiissutissat eqqartuussinerni ernialiuqqartartumik ernialersortinneqassapput Naalakkersuisut arsaarinninnissamik aalajangernerannit. Piffissamilli allamiit ernialersuinissaaq ataatsimiititaliap aalajangersinnaavaa, taamaaliornissamut immikkut pissutissaqarpat, pingaartumik arsaarinninneq kingusinnerusukkut aatsaat pissappat piginnittullu pigisani tamatuma tungaanut ingerlatiinnarsinnaassappagu.

§ 7. Arsaarinninnissamik piunasaqartup taarsiissutissat akilissavai taakkua annertussusissaasa inissutaasumik aalajangerneqarnerata kingornagut sapinngisamik piaartumik, kingusinnerpaamillu piunasaqartup arsaarinnissutaasumut oqartussaaffiginnilerani.

§ 8. Qularnaveerusiisunut taarsiissutissat tunniunneqassapput tullerijiarlutik pisassaqaqarnerat malillugu.

§ 9. Ataatsimiititaliap sulianik qanoq ingerlatsisarnissaa pillugu Naalakkersuisut maleruagassaliorsinnaapput.

Imm. 2. Ataatsimiititaliami ilaasortat akissarsiaasaat aalajangerneqassapput Kalaallit Nunaanni Naalakkersuisunut, Kalaallit Nunaanni Inatsisartunut ilaasortat akissarsiaat il.il. pillugit Inatsisartut inatsisaat naapertorlugu.

Imm. 3. Pigisanik aalaakkaasunik arsaarinninnerit naammassinninnerni aningaasartuutit arsaarinninnissamik piunasaqartumit akilernerneqassapput, Naalakkersuisut qaqutigut allatut aalajangiisimangikkaangata.

Imm. 4. Taartisiassaartoq namminerminut tunngasut isumannaatsumik suliarineqarnissaannut suliap ingerlanneqarnerani pisariaqartumik ikiortigisariaqakkaminut soorlu eqqartuussissuserisumut, naatsorsuutinin kukkunersiuisartumut il.il. aningaasartuuteqarpat ataatsimiititaliap suliarinneqqusisoq peqqusif f igisinnaavaa taanna aningaasartuutigisaanut naleqquttumik taarsiivigissagaa.

§ 10. Inatsisartut inatsisaat una Suliassaqaqarfinni Namminersornerullutik Oqartussanut atasuni pigisanik aalaakkaasunik arsaarinnissuteqartarneq pillugu Kalaallit Nunaannut inatsit Folketingimit akuersissutigineqassappat atortuulissaaq novembarip aallaqqaataani 1992-imi.

Namminersornerullutik Oqartussat, ulloq 30. oktober 1992

Lars Emil Johansen

/

Kaj Kleist

